

Siunnersummut nassuaatit

Siunnersummut nassuaatit nalinginnaasut

1. Aallaqqasiusut

1.1 Siunnersuutip tunuliaqutaa siunertaalu pingaardeq

Matuminnga siunnersuuteqarnermi Inatsisartut 2018-imik ukiakkut ataatsimiinnerminni oqaluuserissassani immikkortoq 164-imik akuersissuteqarnerat tunngaviuvoq: "Naalakkersuisut kingusinnerpaamik UKA 2019-imut inatsimmik atuuttumik allannguutissatut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut, taamaalluni eqqumiitsulianut tamanut aningaasanik agguassinerne politikerit akuliutinnginnissaat siunertaralugu eqqumiitsuliortunut aningaasaateqarfimmik pilersitsisoqarniassamat." Taamaalluni siunnersuut matuminnga akuersissuteqarnermi malinnaatitsinertut isagineqassaaq.

Taamaalluni siunnersuuteqarnermi aningaasaateqarfimmik Naalakkersuisut eqqumiitsuliormik ingerlatsisunut aningaasanik agguassisinnaasumik pilersitsinissaannut inatsisitigut tunngavissaqartoqalerluni. Aningaasaateqarfimmik pilersitsineq ilutigalugu inatsimmi aalajangersakkanik allanik iluarsaassisooqartariaqarsimavoq.

Tamatuma kingorna aningaasaateqarfimmik pilersitsinissami kulturikkut aningaasanik agguassinerut tunngatillugu politikerit akuliutinnginnissaat siunertani pingaarnersaavoq. Taamaalluni kulturikkut aningaasanik atuinerni politikkut akuliuttoqarnissaanut pakkersimaarinninnissamik kissaatigisaq paasineqassaaq. Aningaasaateqarfimmik aaqqissuussineq ilutigalugu aningaasanik agguassinerne qinnuteqaateqartunik sulianik ilisimasallit annertunerusumik nalilersuisarsinnaassapput. Tamatuma saniatigut aningaasat atunngitsuukkat ukiumut nuunneqarsinnaalissapput aammalu inunnit namminersortunit aningaasanik aamma aningaasaateqarfimmit agguanneqarsinnaasunik pissarsisassaaq.

1.2 Inatsisissamik piareersaarnermi pingaartitat

Siunnersuutip teknikkut ilusaa eqqarsaatigalugu inatsimmik piareersaanermi allat peqataatinneqartariaqarsimanngillat.

1.3 Siunnersuutip imarisai ataatsimut isigalugit

Aalajangersakkamik Naalakkersuisut eqqumiitsuliortunut tamakkuninngalu siammarterisunut tapiissutaannik tamakkiisumik ilaannakortumilluunniit aqutsisutut isumaginnittussamik ikkussisoqassasoq siunnersuutigineqarpoq. Naalakkersuisut aningaasaateqarfiup siunertaanik, suliassaanik atuuffissaanillu, tassunga ilangullugit akissarsisitsisarnerit, aningaasaliinerit aamma allatseqarfimmit sullinneqarnerit pillugit malittarisassanik aalajangersaasinnaasut

aamma siunnersuutigineqarpoq. Tamatuma saniatigut aningaasaateqarfiup suliassanik allanik eqqumiitsuliortunut tamakkuninngalu siammarterisunut tapiissutit pillugit suliassanik isumaginninnissamut attuumassutilinnik malittarisassanik Naalakkersuisut aalajangersaasinjaasut siunnersuutigineqarpoq.

Inatsisartut inatsisaannut § 14-imut ilassusiisoqassasoq siunnersuutigineqarpoq, taamaalilluni, aningaasaateqarfimmik pilersitsisoqassappat, aningaasaateqarfik Nunatta Karsianiinnaanngitsumit aningaasanik Naalakkersuisut tapiissutaannut ilanngullugit agguaaneqarsinjaasunik tigusaqarsinjaalersillugu.

Inatsisartut inatsisaat naapertorlugu aningaasaateqarfik aalajangiisinjaassappat pisortani suliassanik suliarinnitarneq aamma pisortat ammanerunissaat pillugit malittarisassat atuutissasut siunnersuutigineqarpoq.

Aningaasaateqarfiup tapiissutit tamakkiisumik ilaannakortumilluunniit aqussappagit aningaasaateqarfimmi aalajangiinerit aqutsinikkut oqartussaasunut allanut naammagittaalliuutigineqarsinjaassanngitsut siunnersuutigineqarpoq.

Kiisalu siunnersuisoqatigiit, ataatsimiititaliat assigisaalluunniit aamma aningaasaateqarfik eqqumiitsuliortunut tamakkuninngalu siammarterisunut tapiissutinik aqutsineq isumagissappassuk tamakkuninnga Naalakkersuisut nakkutilliisuuunissaat siunnersuutigineqarpoq. Tamatuma saniatigut Naalakkersuisut nakkutilliinermik isumaginnittussatut pisariaqartinneqartumik isigineqassappata Naalakkersuisut siunnersuisoqatigiinnut, ataatsimiititalianut assigisaannulluunniit aamma aningaasaateqarfimmut paassisutissanik tamanik noqqaassuteqarsinjaapput.

2. Siunnersuutip immikkoortui pingaarcerit

2.1 Inatsisit atuuttut

Inatsit atuuttoq tassaavoq Eqqumiitsuliorneqmik ingerlatsineq pillugu Inatsisartut inatsisaat nr. 11, 6. juni 2016-imeersoq (eqqumiitsuliorneq pillugu inatsit).

Naalakkersuisut eqqumiitsuliortunut tamakkuninngalu siammarterisunut tapiissutaannik aqutsinissamik suliakkiinerit

Eqqumiitsuliorneq pillugu inatsimmi § 15 naapertorlugu Naalakkersuisut eqqumiitsuliortunut tamakkuninngalu siammarterisunut tapiissutinik aqutsineq tamakkiisumik ilaannakortumilluunniit Namminersorlutik Oqartussani oqartusanut allanut pisortallu suliffeqarfiutaannut tunniussinjaavaat. Tamatuma saniatigut eqqumiitsuliorneq pillugu inatsimmi § 16 naapertorlugu Naalakkersuisut siunnersuisoqatigiinnik, ataatsimiititalianik assigisaannilluunniit Naalakkersuisut eqqumiitsuliortunut tamakkuninngalu siammarterisunut tapiissutinik tamakkiisumik ilaannakortumilluunniit isumaginnittussanik pilersitsisinnaapput.

Aningaasaateqarfik suliffeqarfiuvoq imminut pigisoq taamaattumillu § 15-imut imaluunniit § 16-imut ilaatinneqanngitsoq.

Avataanit aningaasanik tigusaqartarnerit tamakkuninngalu agguassisarnerit
Eqqumiitsuliorneq pillugu inatsimmi § 14-imi Naalakkersuisut eqqumiitsuliortunut tamakkuninngalu siammarterisunut tapiissutaasa Aningaasat pillugit inatsimmi tamatumunnga aningaasaliissutissatut aalajangersakkani pinissaat aalajangersarneqarpoq. Taamaattumik aningaasanik tamakkuninnga aqtsineq suliakkiissutigineqassappat aningaasat taakku kisimik agguanneqartussaapput. Taamaattumik aningaasanik avataanit tigusinerit tamakkuninngalu agguassinerit pillugit immikkut ittumik inatsisitigut tunngavissamik pilersitsisoqanngippat taamatut iliortoqarsinnaanngilaq.

Suliassanik suliariinninneq

Inatsimmi atuuttumi pisortat ingerlatsineranni suliassanik suliariinnitarnerit aamma Inatsisartut inatsisaanni pisortat ingerlatsinerat pillugu Inatsisartut inatsisaanni § 16-imi siunnersuisoqatigiinnut, ataatsimiitalianut assigisaannulluunniit atuuttut allassimavoq, tamakku aalajangiisinjaatitaillugit. Taamaaliortoqarpoq allaffissornikkut aqtsinerup allanut nuunneratigut qinnuteqartut inatsisitigut inissisimanerisa ajornerulinnginnissaat qularnaarumallugu. Aqtsineq Namminersorlutik Oqartussani oqartussaasunut pisortalluunniit suliffeqarfutaannut allanut tunniunneqaraluarpat tamakku imminut isumagisumik inatsimmut tassunga ilaatinneqassapput. Immikkoortumi matuma qulaani soorlu taaneqareersoq aningaasaateqarfik § 15-imut imaluunniit § 16-imut ilaatinneqassanngilaq, taamaattumik aningaasaateqarfik malittarisassanik tamakkuninnga malinnittussaatitaassanngilaq, tamanna ersarissumik aalajangersarneqarsimamanngippat.

Naammagittaalliorssinnaaneq

Eqqumiitsuliormerkik ingerlataqartut pillugit Inatsisartut inatsisaanni atuuttumi Naalakkersuisut Kommunalbestyrelsillu aalajangigaat allaffissornikkut oqartussaasunut allanut naammagittaalliuutigineqarsinnaanngitsut allassimavoq. Eqqumiitsuliormerkik ingertaqartunut tapiissutit tamakkuninngalu siammarterinerit pillugit siunnersuisoqatigiinnit, ataatsimiitalianit assigisaannilluunniit aalajangiinerit allaffissornikkut oqartussaanut allanut aamma naammagittaalliuutigineqarsinnaanngillat. Tamanna aalajangiinerit siunnersuisoqatigiinnit, ataatsimiitalianit assigisaannilluunniit aalajangikkat ilaasortat suliassaqrifimi eqqumiitsuliormerkik suliassaqrifinni assigiinngitsuni aamma qinnuteqaatinik takkussuuttunik ataatsimut nalilersuinerit pingaarnersiuinerillu tunngavigalugit suliatigut ilisimasaat immikkut ittut tunngavigalugit aalajangiinerusarnerannik tunngavilorseqarpoq.

Taamaattorli aalajangiinerit inatsisini killiliussanut tunngappata naammagittaalliorqarsinnaavoq. Inatsisitigut tunngavissat ilaatigut tassaasinnaapput tapiissutinik agguassassinernut malittarisassat tunngaviusut aamma qinnuteqaatinik suliaqarnerni sulianut tunngatillugu apeqqutit.

Nakkutilliineq

Eqqumiitsuliorneq pillugu inatsimmi § 22 naapertorlugu Naalakkersuisut Kommunalbestyrelsit inatsimmik aqutsinerannik pingaarnertut nakkutilliisussaallutillu paasissutissanik inatsit naapertorlugu suliassanik suliaqarsinnaajumallutik paasissutissanik pisariaqartinneqartunik Kommunalbestyrelsinut noqqaassuteqarsinnaapput. Tamatumani Naalakkersuisut siunnersuisoqatigiinnik, ataatsimiititalianik assigisaannilluunniit pilersinneqarsimasunik nakkutilliisuunissaat piumasaqaataanngilaq.

2.2 Siunnersuut

Naalakkersuisut eqqumiitsuliortunut tamakkuninngalu siammarterisunut tapiissutaannik aqutsinissamik suliakkiinerit

Siunnersuummi § 1, nr. 2-tut Naalakkersuisut aningaasaateqarfimmik tamakkiisumik ilaannakortumilluunniit Naalakkersuisut eqqumiitsuliortunut tamakkuninngalu siammarterisunut tapiissutaannik isumaginnissinnaasumik pilersitsinissaannut inatsisitigut tunngavissanik aalajangersaasoqassasoq siunnersuutigineqarpoq. Tamatuma saniatigut aningaasaateqarfimmi siunertat, suliassat, aqtsineq atuuffiillu, aningaasaliinerit pillugit malittarisassat kiisalu allatseqarfimmit sullinnejcarnerit pillugit Naalakkersuisut malittarisassanik aalajangersaasinnaasut siunnersuutigineqarpoq. Aammattaaq aningaasaateqarfimmi Naalakkersuisut eqqumiitsuliortunut tamakkuninngalu siammarterisunut tapiissutaannik tamakkiisumik ilaannakortumilluunniit suliassanik isumaginnissinnaasut suliassanik allanik, suliassanik isumaginninnernut attuumassuteqartunik, isumaginnissinnaanerat pillugu malittarisassanik aalajangersaasinnaasut siunnersuutigineqarpoq, tamakkununnga ilangullugu eqqumiitsuliornermik ingerlatallit pillugit apeqqutinut tunngatillugit siunnersuinerit. Inatsisitigut tunngavissat pillugit aalajangersakkat aallaavigalugit Naalakkersuisut allaffissornikkut malitassiorsinnaapput, tamatumani pissutsit aningaasaateqarfimmur tunngasut aalajangersaavigineqarlutik.

Taamaalilluni aningaasaateqarfik oqariartaatsimut aningaasaateqarfimmik nalinginnaasumik paasinnittarnermut naapertuttoq paasinarpooq. Tassa imaappoq aningaasaateqarfik ataatsimik amerlanerusunilluunniit siunertaqassasoq, aningaasaateqassasoq pilersitsisumut taassumaluunniit qanigisaanut utertinneqarsinnaanngitsunik aamma aningaasaateqarfik pilersitsisumut tunngatillugu nammineertumik aqutsisoqassaaq.

Kalaallit Nunaanni aningaasaateqarfiiit Aningaasaateqarfiiit peqatigiiffiillu ilaat (ningaasaateqarfiiit pillugit inatsit) pillugit Kalaallit Nunaannut Peqqussut nr. 917, 15. decembari 1998-imeersumi aamma Inuussutissarsiuutinik ingerlatsisutut aningaasaateqarfiiit (ningaasaateqarfiiit inuussutissarsiuutit pillugit inatsit) pillugit Kalaallit Nunaannut Peqqussut nr. 485, 14. maj 2018-imeersumi aalajangersarneqarput.

Nalinginnaasumik inatsisit aningaasaateqarfinnut tunngasut aningaasaateqarfinnut, legatinut, pilersitanut aamma suliffeqarfinnut imminnut pigisunut tamanut, ataatsimut aningaasaateqarfinnik taaneqartartunut, atuupput. Inatsilli tamatumunnga tunngasunik arlalippassuarnik ilanngutinngitsuugaqarpoq. Tamanna assersuutigalugu aningaasaateqarfinnut inatsit naapertorlugu imaluunniit Danmarkip naalagaaffiullu allap aamma naalagaaffinnit allanit nakkutigineqartup, akornanni inuit pillugit isumaqatigiissutini atuuppoq. Inatsit aamma aningaasaateqarfinnut inuussutissarsiutaasunut atuuppoq.

Taamaattumik aningaasaateqarfik siunnersuummi matumani aalajangersagassatut siunnersuutit naapertorlugit pilersinneqartoq aningaasaateqarfiit pillugit inatsimmut ilaatinneqassanngilaq.

Avataanit aningaasanik tigusaqartarnerit tamakkuninngalu agguassisarnerit
Aningaasaateqarfimmik Naalakkersuisut siunnersuisoqatigiinnik, ataatsimiititalianik assigisaannilluunniit Naalakkersuisut eqqumiitsuliortunut tamakkuninngalu siammerterisunut tamakkiisumik ilaannakortumilluunniit suliassanik isumaginnittussamik pilersitsisoqassappat aningaasaateqarfik Nunatta Karsianiinnaanngitsoq tapiissutinik, kingornussassanik tunissutinillu tigusaqarsinnaassasoq siunnersuutigineqarpoq. Aningaasaateqarfik Nunatta Karsianiinnaanngitsoq aningaasanik tigusaqartarnissaanut periarfissaqassasoq aningaasallu tamakku aningaasatulli Nunatta Karsianit agguanneqartartutut agguanneqarsinnaasut Naalakkersuisut naliliipput.

Suliassanik suliarinninneq

Eqqumiitsuliorneq pillugu inatsimmi § 17 allanngortinneqassasoq siunnersuutigineqarpoq, taamaalillutik pisortani suliassanik suliarinnitarnerit pillugit Inatsisartut inatsisaanni aalajangersakkat aningaasaateqarfimmut, aningaasaateqarfimmik pilersitsisoqassappat, equmiitsulianik ingerlataqartunut tapiissutit pillugit aalajangiisartumut atuutissasut siunnersuutigineqarpoq. Tamatumani aqutsinerup aningaasaateqarfimmut tunniunneqarneratigut qinnuteqaateqartut inatsisitigut inisisimanerisa ajorseriaateqannginnissaannik qulakteerneqassasoq siunnersuutigineqarpoq.

Naammagittaalliorsinnaaneq

Aalajangiinerit aningaasaateqarfimmi aalajangerneqartut allaffissornikkut oqartussaasunut allanut naammagittaalliuutigineqarsinnaassanngitsut siunnersuutigineqarpoq. Taamatuttaaq siunnersuisoqatigiit, ataatsimiititaliat assigisaalluunniit aalajangiisuuppata tamanna atuutissaaq. Tamanna arlalinnik pissuteqarpoq. Aningaasanik aqutsineq aningaasaateqarfimmut tunniunneqarneratigut aningaasanik agguassinerni politikerit akuliutinnginnissaat siunertarineqarpoq. Aalajangiinerit allaffissornikkut aqutsisunut allanut, suliffeqarfimmi politikerinit aqunneqartut ilaanni, naammagittaalliuutigineqarsinnaassappata tamatumunnga akerliussaaq.

Aalajangiinerit aningasaateqarfimmit aamma qinnuteqaateqartut takkussuuttut ataatsimut nalilersuiffigineqarnerat pingarnersiorneqarnerallu tunngavigalugit aalajangerneqartut equmiitsuliornerni suliassaqarfinni assigiinnngitsuni suliatigut immikkut ittumik piginnaasat tunngavigalugit aalajangerneqartassasut naatsorsuutigineqarput. Taamatut piginnaasat aamma taamatut qinnuteqaatinik takkussuuttunik ataatsimoortumik nalilersuinerit pingarnersiuinerillu naammagittaalliornissamut oqartussaasuni pigineqarsinnaanngillat.

Nakkutilliineq

Aalajangersakkamik ikkussisoqarnissa siunnersuutigineqarpoq, tassanilu, aningasaateqarfimmik tapiissutinik aqtsisussamik pilersitsisoqassappat, Naalakkersuisut tamatumingga nakkutilliisuussasut allassimassaaq. Aningasaateqarfik inatsit naapertorlugu inatsimiluunniit pilersinneqartoq aamma naalagaaffimmit nakkutigineqartussaasoq aningasaateqarfiit pillugit inatsit aamma aningasaateqarfiit inuussutissarsiutinik ingerlatsisuusut naapertorlugin pilersinneqarsimasut malittarisassanut tamakkununga ilaatinneqassanngilaq. Matumani "Naalagaaffik" "Namminersorlutik Oqartussatut" nassuiardeqassaaq. Taamaattumik aningasaateqarfiup aningasaateqarfiit pillugit inatsimmut ilaatinneqannginnissa qulakkeerniarlugu aalajangersagaq ikkunneqarpoq, taamaallaallu Inatsisartut inatsisaannit tamatumalu malitsigisaanik aalajangersakkani aalajangersarneqarsimassaaq.

Naalakkersuisut siunnersuisoqatigiinnik, ataatsimiititalianik assigisaannilluunniit equmiitsuliornermik ingerlataqartunut tamakkuninngalu siammerterisunut tapiissutinik siammerterisunik nakkutilliisuunissaat aamma siunnersuutigineqarpoq. Tamanna pisuni tamakkunani aqtsinermik aamma nakkutilliisoqarnissaata eqqortuuserineqarneranik tunngavilorsorneqarpoq.

Taamatuttaaq aalajangersagassatut siunnersummi Naalakkersuisut taamatut nakkutilliinissaminut pisariaqartinneqartutut isigineqartunik paasissutissanik siunnersuisoqatigiinnut, ataatsimiititalianut assigisaannulluunniit aamma aningasaateqarfimmut paasissutissanik noqqaassuteqarsinnaassasut aalajangersarneqarpoq.

Siunnersuut inatsimmut atuuttumut sanilliullugu	
<i>Oqaasertaliineq atuuttoq</i>	<i>Siunnersuut</i>
	<p style="text-align: center;">§ 1</p> <p>Eqqumiitsuliornermik ingerlatsineq pillugu Inatsisartut inatsisaannik nr. 11, 6. juni 2016-imeersumi tullinnguuttut makku allanngortinneqarput:</p>
<p>§ 14. Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaat</p>	<p>1. § 14-imi imm. 2-tut ilanngunneqassaaq: "Imm. 2. § 16 a naapertorlugu Aningasaateqarfimmik pilersitsisoqarpat</p>

aninaasanut inatsimmi tamatumunnga aninaasaliissutitut aalajangersarneqartut iluanni pisassapput.	aninaasaateqarfik tapiissutinik, kingornussanik tunissutinillu Nunatta Karsianiunngitsoq pissarsisassaaq.”
	<p>2. § 16-ip kingorna ilannunneqassaaq: ” § 16 a. Naalakkersuisut eqqumiitsuliornermik tamakkuninngalu siammarterinermik ingerlatsisunut tapiissutissaannik tamakkiisumik tamakkiisuunngitsumilluunniit aninaasaateqarfimmik isumaginnittussamik pilersitsisinnaapput.</p> <p><i>Imm.</i> 2. Naalakkersuisut siunertat, suliassat, inissitsiterineq atuunnerlu pillugit malittarisassanik sukumiinerusunik aalajangersaasinnaapput, tassunga ilanngullugit akissarsianut, aninaasaliinernut allatseqarnikkullu siunnersuisoqatigiinnik, ataatsimiititalianik assigisaannillu sullissinerit tamakkiisumik tamakkiisuunngitsumilluunniit Naalakkersuisut eqqumiitsulianik ingerlatsisunut tapiissutaannik tamakkuninnga siammarterisunut tunngatillugu suliassanik isumaginnissinnaasunik.</p> <p><i>Imm.</i> 3. Aninaasaateqarfieu Naalaakkersuisut eqqumiitsuliornermik ingerlatsisunut tamakkuninngalu siammarterisunut tapiissutaannik tamakkiisumik tamakkiisuunngitsumillu isumaginnittup suliassai pillugit Naalakkersuisut malittarisassanik aalajangersaasinnaapput, aamma suliassanik allanik suliassanik isumagisanut attuumassuteqartunik isumaginnittussamut, tassunga ilanngullugit eqqumiitsuliornermik ingerlatsinerit pillugit apeqqutini siunnersuisarnerit.”</p>
§ 17. Pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat pillugu paasitinneqarsinnaatitaaneq pillugu	<p>3. § 17 ima oqaasertalerneqassaaq: ” § 17. Pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat</p>

<p>Inatsisartut inatsisaanni aalajangersakkat siunnersuisartoqatigiinnut, ataatsimiititalianut assigisaannullu § 16-im taaneqartunut atuutissapput, taakku Inatsisartut inatsisaat manna malittarisassallu taanna malillugu atuutsinneqalersut naapertorlugit aalangiisinjaatitaalersinnejarpata.</p>	<p>pillugu paasitinneqarsinnaatitaaneq pillugu Inatsisartut inatsisaanni aalajangersakkat siunnersuisartoqatigiinnut, ataatsimiititalianut assigisaannullu § 16-im taaneqartunut aamma § 16 a-mi aningaasaateqarfimmut taaneqartumut atuutissapput, taakku Inatsisartut inatsisaat manna malittarisassallu taanna malillugu atuutsinneqalersut naapertorlugit aalangiisinjaatitaalersinnejarpata.”</p>
<p>§ 20. Inatsisartut inatsisaat manna naapertorlugu imaluunniit maleruagassani manna naapertorlugu aalajangersarneqartuni Naalakkersuisut Kommunalbestyrelsillu aalangiineri allaffissornikkut oqartussaasumut allamut maalaarutigineqarsinnaanngillat.</p> <p><i>Imm. 2.</i> Siunnersuisartoqatigiit, ataatsimiititaliat assigisaasalu Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqtsinermi suliassanik tamakiisumik ilaannakortumilluunniit isumaginnittut, tak. § 16, aalangiineri allaffissornikkut oqartussaasumut allamut maalaarutigineqarsinnaanngillat.</p> <p>Aalangiinerit inatsisitigut sinaakkutaannut atatillugu maalaarutit Naalakkersuisunut saqqummiunneqarsinnaapput, aalangiinerup ullulerneqarneraniit kingusinnerpaamik sapaatit-akunneri sisamat qaangiunnerani.</p>	<p>4. § 20, imm. 2. ima oqaasertalerneqassaaq: ” <i>Imm. 2.</i> Siunnersuisartoqatigiit, ataatsimiititaliat assigisaasalu Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqtsinermi suliassanik tamakiisumik ilaannakortumilluunniit isumaginnittut, tak. § 16, imaluunniit aningaasaateqarfip Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqtsinermi suliassanik tamakiisumik ilaannakortumilluunniit isumaginnittut, tak. 16 a, aalangiineri allaffissornikkut oqartussaasumut allamut maalaarutigineqarsinnaanngillat.</p> <p>Aalangiinerit inatsisitigut sinaakkutaannut atatillugu maalaarutit Naalakkersuisunut saqqummiunneqarsinnaapput, aalangiinerup ullulerneqarneraniit kingusinnerpaamik sapaatit-akunneri sisamat qaangiunnerani.”</p>
	<p>5 § 22-p kingorna ilangunneqassaaq: ” § 22 a. § 16, imm. 1 aamma § 16 a, imm. 1 naapertorlugit Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqtsineq tamakiisumik ilaannakortumilluunniit</p>

	<p>siunnersuisoqatigiinnut, ataatsimiititalianut assigisaannulluunniit imaluunniit aningaasaateqarfimmut tunniunneqarsimappat Naalakkersuisut aqutsinermik nakkutilliisuussapput.</p> <p><i>Imm. 2. Naalakkersuisut imm. 1-imi siunnersuisoqatigiit, ataatsimiititaliat assigisaallu aamma imm. 1-imi aningaasaateqarfik pillugu paasissutissat, nakkutilliinermi pisariaqartinneqartutut isigineqartut tunniunneqarnissaat piumasarisinnaavaat.”</i></p>
	<p>§ 2</p> <p>Inatsisartut inatsisaat ulloq 1. januar 2020-mi atuutilissaaq.</p>

3. Pisortanut aningaasaqarnikkut allaffissornikkullu kingunerisassai

3.1 Pisortanut aningaasaqarnikkut kingunerisassai

Siunnersuut aningaasatigut pisortanut toqqaannartumik kinguneqassanngilaq, tassami aningaasaateqarfimmik pilersitsinissamut inatsisitigut tunngaveqalernissaq taamaallaat pineqarpoq.

Aningaasaateqarfimmik inatsisitigut periarfissiineq malillugu pilersitsisoqassappat tamanna pisortanut aningaasatigut kingunerluuteqarsinnaavoq. Sinniisuititat, siulersuisut, sulianik ilisimasalimmik ataatsimiititaliaq, allatseqarfimmit sullinneqarnerit il.il. eqqarsaatigalugit aningaasaateqarfiup qanoq aaqqissuuussaanera apeqqutaatillugu tamanna pisortanut aningaasatigut kingunerluuteqarsinnaavoq. Maannakkorpiaq Ilanniartitaanermut, Kultureqarnermut Ilanniartitaanermullu Naalakkersuisoqarfimmi suliassat AC-it qinnuteqaataat suliarineqaleruttorput. Suliaq tamanna inuup ataatsip ukiup affaani suliaatut annertutigaaq. Aningaasaateqarfimmik pilersitsisoqassappat allatseqarfimmit sullinneqarnerit, siulersuisunik akissarsiaqartitsinerit, sinniisoqariataarsinnaanerit, sulianik ilisimasaliusinnaasunut il.il. aningaasartuuteqartoqarnissaa naatsorsuutigineqassaaq.

Aningaasaateqarfiup pilersinneqarnerani aningaasaliissutinut tunngasut Aningaasat pillugit Inatsimmut tunngatillugit isummerfigineqartariaqarput, taamaanngippammi aningaasaateqarfik Nunatta Karsianit aningaasalerneqartariaqassamat.

3.2 Pisortanut allaffissornikkut kingunerisassai

Siunnersuut immineq allaffissornikkut pisortanut kinguneqassasoq naatsorsuutigineqanngilaq.

Kingusinnerusukkut aningasaateqarfimmik pilersitsisoqassappat tamanna pillugu nalunaarutitut ittumik malittarisassiorneqartariaqassaaq.

4. Inuussutissarsiorfimmut aningasaqarnikkut allaffissornikkullu kingunerisassai

Siunnersuutip kommuninut allaffissornikkut imaluunniit aningasaqarnikkut kinguneqarnissaa naatsorsuutigineqanngilaq.

5. Avatangiisinut, pinngortitamut innuttaasullu peqqissusaannut kingunerisassai

Siunnersuut avatangiisinut, pinngortitamut innuttaasullu peqqissusaannut kinguneqarnissaa naatsorsuutigineqanngilaq.

6. Innuttaasunut kingunerisassai

Siunnersuut immineq innuttaasunut sumilluunniit kinguneqassanngilaq

Aningasaateqarfimmik inatsisitigut periarfissiineq malillugu pilersitsisoqassappat tamanna politikerit pisariaqanngitsumik akulerutinnginnissaannut qulakkeerinneqataassaaq. Tamatuma saniatigut Namminersorlutik Oqartussat kulturikkut aningaasaliissutaasa agguanneqarneranni suliamik ilisimasallit suleriaqqinnermi peqataatinneqassapput.

7. Kingunerisassai pingaarutillit allat

Siunnersuut allatigut annertuunik kinguneqassasoq naatsorsuutigineqanngilaq .

8. Oqartussaasut kattuffiillu il.il. tusarniaavagineqarnerat

Siunnersuut piffissami 29. marts 2019-imiit 3. maj 2019-ip tungaanut tusarniaanernut isaaffikkut pissarsiarineqarsinnaasunngorlugu tamanut tusarniaassutigineqassaaq tusarniaaffigineqartunullu tullinnguuttunut makkununnga nassiuunneqassalluni:

Naalakkersuisut Siulittaasuata Naalakkersuisoqarfia

Pinngortitamut, Avatangiisinut Ilisimatusarnermullu Naalakkersuisoqarfik

Aningasaqarnermut Nunanilu Avannarlerni Suleqatigiinnermut Naalakkersuisoq

Ineqarnermut Attaveqaqtigijinnermullu Naalakkersuisoqarfik

Nunanut Allanut Naalakkersuisoqarfik

Aalisarnermut Piniarnermut Nunalerinermullu Naalakkersuisoqarfik

Peqqissutsumut Naalakkersuisoqarfik

Isumaginninnermut Inatsisinillu Atuutsitsinermut Naalakkersuisoqarfik

Inuussutissarsiornermut Suliffeqarnermullu Naalakkersuisoqarfik

Aatsitassanut Suliffeqarnermullu Naalakkersuisoqarfik

Avannaata Kommunia

Kommune Qeqertalik

Kommuneqarfik Sermersooq

Kommune Kujalleq

Qeqqata Kommunia

Nunatta Isiginnaartitsisarfia

SILA

Kalaallit Atuakkiortut Peqatigiiffiat

KIMIK.

Kalaallit Nunaanni Sulisitsisut Peqatigiiffiat, Grønlands Erhverv

Nunatta Katersugaasivia Allagaateqarfialu

KANUNUPE

Ilisimatusarfik

Nunatta Atuagaateqarfia

NAPA

Katuaq

Taserlik

EPI

Kalaallit Nunaata Radioa

NTK

NUSUKA

Tusarniaanermut akissutit tiguneqarput, taakkunangna uku oqaaseqaateqarsimanatik:

Naalakkersuisuit Siulittaasuata Naalakkersuisoqarfia, Isumaginninnermut Inatsisinillu

Atuutsitsinermut Naalakkersuisoqarfik, Aatsitassanut Suliffeqarnermullu

Naalakkersuisoqarfik, Inuussutissarsiuutinut Nukissiuuteqarnermullu Naalakkersuisoqarfik,

Pinngortitamut, Avatangiisiniut Ilisimatusarnermullu Naalakkersuisoqarfik, Peqqissutsimut

Naalakkersuisoqarfik, Kalaallit Nunaanni Sulisitsisut Peqatigiiffiat, Aalisarnermut,

Piniarnermut Nunalerinermullu Naalakkersuisoqarfik aamma Kommune Kujalleq.

Tusarniaaffigineqartut uku siunnersummut oqaaseqaateqarput:

Kommuneqarfik Sermersooq, EPI, Nunatta Isiginnaartitsivia aamma Aningaasaqarnermut
Naalakkersuisoqarfik.

Tassunga atatillugu oqaatigineqassaaq siunnersuut tusarniaaneq sioqqullugu kingornalu
inatsisiilorneranik misissorneqarsimammat. Siunnersuisoqatigiinnut, ataatsimiititalianut
assigisaanulluunniit akissarsisitsisarneq aningaasaliisarnerlu pillugit malittarisassanik
aalajangersaanermi akissarsiaqartitsisarneq pillugu inatsit naapertorlugu
akissarsiaqartitsinermut malittarisassat atuuttut malinneqartariaqaraluartut Inatsisartut
allattoqarfiani inatsisiilorneranik misissuinermut atatillugu uparuaasoqarpoq.

Akissarsiaqartitsisarneq pillugu inatsimmi malittarisassat immikkut ittumik inatsisiornikkut
saneqqunneqarsinnaapput, taamaattorli taakku siunnersuisoqatigiit, ataatsimiititaliat
assigisaalu atorfinit assingusunit allanit allaanerusumik akissarsiaqartitaanissaat
siunertaasimangilaq. Taamaattumik tusarniaassutigineqartumi nr. 2, tassa Naalakkersuisut
siunnersuisoqatigiinnut, ataatsimiititalianut assigisaannullu akissarsiaqartitsisarnermut

aninggaasalisarnernullu malittarisassanik aalajangersaasinnaanerat inaarutaasumik siunnersuummut ilangunneqanngilaq.

Nr.	Tusarniaavagineqartoq	Oqaaseqaatit	Oqaaseqaatigineqartumutoqaaseqaatit
1	Isumaginninnermut Inatsisinillu Atuutsitsinermut Naalakkersuisoqarfik	Oqaaseqaateqanngillat	
2	Aatsitassanut Suliffeqarnermullu Naalakkersuisoqarfik	Oqaaseqaateqanngillat	
3	Inuussutissarsiornermut , Nukissiuuteqarnermullu Naalakkersuisoqarfik	Oqaaseqaateqanngillat	
4	Naalakkersuisut Siulittaasuata Naalakkersuisoqarfia	Oqaaseqaateqanngillat	
5	Pinngortitamut, Avatangiisinut Ilisimatusarnermullu Naalakkersuisoqarfiusi masoq	Oqaaseqaateqanngillat	
6	Peqqissutsimut Naalakkersuisoqarfik	Oqaaseqaateqanngillat	
7	Sulisitsisut, Grønlands Erhverv	Oqaaseqaateqanngillat	
8.1	Kommuneqarfik Sermersooq	Kommuneqarfik Sermersooq eqqumiitsuliortunut aninggaasaateqarfiliornissamut isumaqataavoq. Aningaasaateqarfiliornissaq kommunimit aamma tapersorsorneqarusuppoq, tamatumanit aninggaasaateqarfimm aninggaasanik atuinermi sapinngisamik politikerit akuliunnaveersaartinneqassa pput. Aningaasanik	Oqaaseqaat allannguinissamut tunngavissiisimanngilaq.

		<p>agguaassinerni politikerit akuliutinnginnissaannik taaneqartartup atorneqarnissaa kommunimi takorluugaavoq.</p> <p>Aningaasaateqarfimmik ilusilersuinermi tamatuma sapinngisamik ersarissuunissaa aamma aninaasanik agguaassinernut ersarissunik malittarisassaqarnissaa siunnersuutigineqarpoq.</p>	
8.2		<p>Tamatuma saniatigut aninaasaateqarfimmik siulersuisut qanoq inissitsiterneqassanersut ersarissarneqassasut kommunimit siunnersuutigineqarpoq.</p>	<p>Oqaaseqaat allannguinissamut tunngavissiisimanngilaq.</p> <p>Aningaasaateqarfiusinnaasum ut malittarisassat sukumiinerusut nalunaarummi aalajangersarneqassapput.</p>
8.3		<p>Aningaasanik avataaneersunik tigusaqarnerni malittarisassanik ersarissaasoqassasoq kommunimit siunnersuutigineqarpoq, tassunga ilanngullugit kikkut aninaasaateqarfimmut aninaasanik tunniussisinnaanersut pillugit malittarisassaqarnersoq.</p>	<p>Oqaaseqaat allannguinissamut tunngavissiisimanngilaq.</p> <p>Tamanna pillugu malittarisassat sukumiinerusut nalunaarummi aalajangersarneqassapput.</p>
8.4		<p>Kommune siusinnerusukkut siulersuisutalimmik aninaasaateqarfiliornikuovo q aammali tamanna pitsaanerpaamik aaqqiissutaanngitsoq paasisimallugu, aninaasaateqarfimmiummi aaqqissuussaanerat</p>	<p>Oqaaseqaat allannguinissamut tunngavissiisimanngilaq.</p> <p>Aningaasaateqarfiliortoqassan ersoq pillugu inatsimmik allangortitsinikkut aalajangiisoqanngilaq.</p> <p>Aningaasaateqarfimmik pilersitsisoqassasoq</p>

		<p>kipparissorujussuusarmata. Tamatumunnga taarsiullugu aninaasaateqarfik pillugu allaffissorneq ajornannginneroqqullugu amma aningaasat kulturimut eqqumiitsuliormillu ingerlatsisunut immikkoortitat siunertanut atorneqarnissa allaffissornermilu artukkiinnginnissaat qulakkeerniarlugu aaqqissusuusseriaatsit allat misissorneqarsinnaapput.</p>	<p>Naalakkersuisut aalajangerpata tamatuma pilersinneqannginnerani ilusilersugaq sorleq naleqqunnerpaanersoq sukumiinerusumik qulaajaaffigineqassaaq.</p>
9.1	EPI	<p>Eqqumiitsuliortunut aninaasaateqarfimmik pilersitsisoqartariaqarnera EPI-p isumaqataaffigaa aammalu aninaasaateqarfimmik nunani avannarlerniittunut assingusumik pilersitsinikkut qinnuteqartunut ajornannginnerulersitsisumik pilersitsisoqarnissaata piviusunngornissa qilanaaralugu. Inatsimmi periarfissaliisummik atorluaalluni eqqumiitsuliortunut aninaasaateqarfimmik pilersitsineq pissusissamisoorsoraarput. Pilersinneqarniarneranut EPI peqataatinneqassasoq naatsorsuutigaarput.</p>	<p>Oqaaseqaat allannguinissamut tunngavissiisimanngilaq.</p>
9.2		<p>Taamaattumik aningaasat ilisimasalinnit agguaanneqartarnissaat aaqqissuussinerullu</p>	<p>Oqaaseqaat allannguinissamut tunngavissiisimanngilaq.</p>

		<p>misilittarneqarnissaa pingaaruteqartut EPI isumaqarpoq . EPI-p ilaasortaasa ilaasortaannik, qinnuteqartunut aningaasanik agguaassisartussanik, inuttalersuilluni eqqumiitsuliortunut aningaasaateqarfimmik pilersitsinissaq aaqqissuussinerullu siullermeersumik misilitarnissaa piffissanngorsoraarput.</p> <p>Inatsisisami immikkoortut assigiinngitsut oqaaseqarfiginagit inatsisartuni inatsisisap akuersaardeqarnissaa kissaatigaarput.</p>	
10.1	Nunatta Isiginnaartitsisarfia	<p>Isiginnaartitsisarfik 2017- imiilli eqqumiitsuliortunut aningaasaateqarfimmik pilersitsinissamik piareersaatigalugu sulinermut oqaaseqaatinik takinerusunik nassiussisarsimavoq suliassaqarfimmilu allannguineq akueraarput. Nunatta Isiginnaartitsisarfia siunnersuut tapersorsorsinnaavaa, tassa politikerit kulturi pillugu politikimut akuliuttassanngitsut.</p>	Oqaaseqaat allannguinissamut tunngavissiisimanngilaq.
10.2		Eqqumiitsuliortunut aningaasaateqarfimmik	Oqaaseqaat allannguinissamut tunngavissiisimanngilaq.

		<p>pilersitsinermi siunnersuutigaavut: 1) Aningaasaateqarfik pillugu kulturi pillugu politikimik najoqqutassiortoqassasoq. 2) Eqqumiitsuliortunut aningaasaateqarfik aalajangiisinnatitaassasoq aamma politikerit ingalassimaarlugit atuutissasoq. Tassa imaappoq eqqumiitsuliortunut aningaasaateqarfimmi ilaasortat aningasat aqutatik pillugit namminneerlutik aalajangiisinnatitaasut. 3) Imminuinnaq eqqarsaatigineq aamma suliassamut attuumassuteqarpallaarnerit pillugit ajornartorsiutit iluarsineqassasut aamma aningaasaateqarfimmi suliamik ilisimasallit ukiualunnguit qaangiunnerani taarsernerisigut aningaasaateqarfimmi nutarterinerit qulakkeerlugit immaqalu aamma qineqqinneqannginnissaat qulakkeerlugit.</p>	<p>Aningaasaateqarfimmik pilersitsisoqassasoq Naalakkersuisut aalajangerpassuk eqqumiitsuliornermi kulturimilu attuumassuteqartut aningaasaateqarfimmik pilersitsinissamut suliamut peqataatinneqassapput malittarisassatullu tunngavissiueqataallutik.</p>
11	Aalisarnermut Piniarnermut Nunalerinermullu Naalakkersuisoqarfik	Oqaaseqaateqanngillat	
12	Kommune Kujalleq	Oqaaseqaateqanngillat	
13.1	Aningaasaqarnermut Naalakkersuisoqarfik	Aningaasaateqarfiup ingerlanneqarnerata ilaatut naatsorsuuserisoqartarnissaa	Oqaaseqaat allannguinissamut tunngavissiisimanngilaq.

		aamma naatsorsuutinut isertoqarsinnaanissaa, siunnersummi § 22 a, imm. 2-p imarisaatut, Aningaasaqarnermut Naalakkersuisoqarfimmit piumasqaatigineqarpoq.	Tamanna pillugu malittarisassat sukumiinerusut nalunaarummi aalajangersarneqassapput.
13.2		Inatsimmi allannguutissatut siunnersuut immineq pisortanut aningaasatigut kinguneqassanngilaq, tassami atingaasaateqarfimmik pilersitsinissamut inatsisitigut taamaallaat tunngavissiisussaagami. Aningaasaateqarfimmik pilersitsisoqassappat tamanna pillugu nalunaarutikkut malittarisassiortoqarnissaa naatsorsuutigineqartoq Aningaasaqarnermut Naalakkersuisoqarfiup oqaatigaa. Taassuminnga nalunaarusiornermi Aningaasaqarnermut Naalakkersuisoqarfik peqataatinneqassaaq.	Oqaaseqaat allannguinissamut tunngavissiisimanngilaq.

Aalajangersakkat ataasiakkaat pillugit oqaaseqaatit

§ 1-imut

Nr. 1-imut

Aningaasaateqarfimmik Naalakkersuisut eqqumiitsuliornermik ingerlatsinermut tamatumalu saqqummiunneranut tapiissutaannik allaffissornikkut aqtsineq suliassanik tamakkiisumik ilaannakortumilluunniit isumaginnittussamik pilersitsisoqassappat aalajangersagaq naapertorlugu aningaasaateqarfik taanna Nunatta Karsianiinnaanngitsoq tapiissutinik, kingornussassanik tunissutinilluunniit allanit tigusaqarsinnaavoq.

Imaassinnaavoq aningaasaateqarfiit allat inuilluunniit tuniserusuttut aningaasaateqarfikkut eqqumiitsuliortunik tapersersuinissamik kissaateqarlutik aningaasanik tunniussaqarsinnaasut. Aalajangersagaq taanna naapertorlugu aningaasat aningaasaateqarfiup aningaasaataanut ilangunneqarsinnaassapput aamma aningaasatut aningaasaateqarfiup Nunatta Karsianit pissarsiaasut piumasaqaatitaat naapertorlugit agguanneqarsinnaassapput.

Nr. 2-mut

Imm. 1-imut

Aalajangersagaq taanna atorlugu Naalakkersuisut aningaasaateqarfimmik pilersitsinissaminnt inatsisitigut tunngavissaqalerput. Aningaasaateqarfiup qanoq paasineqarnissaanut tunngatillugu allaaserisaq nalinginnaasumik oqaaseqaatiniiippoq.

Aningaasaateqarfimmik pilersitsineq malittarisassanik akuersisartunut, Civilstyrelsen, nalunaaruteqarnissamik piumasaqaatitaqanngilaq, aningaasaateqarfimmii aningaasaateqarfiit pillugit inatsimmut ilaatinneqanngimmat, oqaaseqaatit nalinginnaasut takukkit. Akerlianik allaffissornikkut malitassanik aalajangersaasoqarnissaa piumasaqaataavoq, tamatumani imm. 2-mi pissutsit taaneqartut aalajangersaaffigineqarlutik.

Aningaasaateqarfiup Naalakkersuisut eqqumiitsuliornermik ingerlatat tamakkuninngalu siammerterisartunut tapiissutaannik aqtsineq aningaasaateqarfimmii taamaallaat isumagineqartussaasoq malittarisassani aalajangersarneqarsinnaavoq. Assersuutigalugu aningaasaateqarfimmii eqqumiitsuloriaatsit aalajangersimasut kisiisa suliassartaat taamaallaat isumagineqarsinnaasut aalajangersarneqarsinnaavoq.

Imm. 2-mut

Aningaasaateqarfiit aningaasaateqarfiit pillugit inatsimmut ilaatinneqartut ileqqoreqqusaliussapput. Aningaasaateqarfik una aningaasaateqarfiit pillugit inatsimmut ilaatinneqassanngilaq taamaattumillu ileqqoreqqusaliortussaangilaq. Taamaattumik

Naalakkersuisut allaffissornikkut malitassanik aningaasaateqarfiup atuuffianik tunngavissiisussanik aalajangersaasinnaanerat pingaaruteqarpoq.

Taamaattumik pissutsit nalinginnaasumik ileqqoreqqusani aalajangersarneqartartut, ilaatigut aningaasaateqarfimmi siunertat, suliassat, aqtsineq atuuffialu, pillugit malittarisassanik aalajangersaasoqarnissaa eqqortuusorineqarpoq. Tamakku nalinginnaasumik aningaasaateqarfiup aaqqissussaanera, tassunga ilanngullugit siulersuisut, sinniisoqarsinnaanera ataatsimiitaliaqarsinnaanera, siuliatigut taaneqartuni ilaasortat amerlassusaat, ilaasortat tamatumunnga qanoq qinerneqartarnersut toqqarneqartarnersulluunniit, siuliani taaneqartut atuuffiisa sivisussusaat, atsiorsinnaatitaaneq il.il. pillugit malittarisassaasinnaapput

Naalakkersuisut aamma allaffissornikkut malitassani killiliussanik pingarnernik peqqussuteqarnissartik toqqarsinnaavaat, tamatuma kingorna siulersuisut suleriaasissamik siulersuisut atuuffiinik aalajangersaasussanik aalajangersaasinnaapput

Naalakkersuisut aalajangersakkamik taassuminnga inatsisitigut tunngavissaqalertermikkut akissarsiat, aningaasaliinerit aamma allatseqarfimmit sullinneqarnerit pillugit malittarisassanik aalajangersaasinnaalissapput. Taamaalluni assersuutigalugu siulersuisuni ilaasortat sulinertik pillugu qanoq akissarsiaqartinnejarnissaat, tassunga ilanngullugit akissarsiat amerlassusaat, angalanernut, uninnganernut il.il. aningaasartuutit, pillugit aalajangersaasoqarsinnaavoq.

Allatseqarfimmit sullinneqarneq eqqarsaatigalugu assersuutigalugu aningaasaateqarfimmi siulersuisut, ataatsimiitaliap pilersinneqartup imaluunniit Naalakkersuisoqarfimmi oqartussaaffimmut akisussaasuusinnaasup atuuffik taanna isumaginnissinnaanera pillugu aalajangersaasoqarsinnaavoq. Naalakkersuisoqarfimmi allatseqarnermik atuuffik isumagineqarpal, politikerit pisariaqanngitsumik akuliutinnginnissaannik tunngaveqarneq unioqqutinneqarnavianngilaq, aalajangiineq aningaasaateqarfimmit aalajangerneqarnera pissutigalugu.

Imm. 3-mut

Aningaasaateqarfimmi, ataatsimiitaliam aningaasaateqarfiup ataaniittumi assigisaanniluunniit suliatigut ilisimasat piginnaasallu pigineqartut atorluarneqarnissaat eqqortuussaaq. Aningaasaateqarfik politikkut arlaannaannulluunniit attuumassuteqassangilaq taamaattumillu aningaasaateqarfik eqqumiitsulianik ingerlatsinermi apeqqutinik politikkimut tunngasunik qulaajaanerni atussallugu pissusissamisuussalluni.

Nr. 3-mut

Siunnersuisoqatigiit, ataatsimiitaliat, assigisaat aningaasaateqarfillu pisortani oqartussaasuunngillat akerlianilli arlaannaannulluunniit attuumassuteqartuunatik.

Taamaattorli inatsisitigut aqutsinermik sulianik isumaginnittussaapput, tamakkunani innuttaasunut kinguneqartunik aalajangiisartussaallutik. Taamaattumik tamakku inatsisitigut aqutsineq pillugu malittarisassanut ilanngunneqarunik eqqortuussaaq, taamaalillutik tapiissutnik aqutsineq suliakkiissutigineqarpat innuttaasut inatsisitigut inissismaffi ajornerulernatik. Taamaattumik innuttaasut suliassanik suliarinnitarnerit pillugit malittarisassat atuuttut malillugit tunngavilersuutinik, naammagittaalliornissamut ilitsersummik, allagaatinik takunnissinnaanissamut il.il. pisinnaatitaassapput.

Nr. 4-mut

Aningaasaateqarfimmi aalajangiineq inaarutaasumik aalajangiinerusoq aalajangersakkami aalajangersarneqarpoq.

Naammagittaalliuutigineqartut ilaatigut tassaasinnaapput inatsisitigut killiliussat imaluunniit suliamik suliarinninneq.

Nr. 5-imut

Imm. 1-imut

Naalakkersuisut siunnersuisoqatigiisinnasunik, ataatsimiititaliaasinnaasunik, assigisinnaasaannik imaluunniit aningaasaateqarfimmik nakkutilliisuunissaat eqqortuusorineqarpoq, tamakkumi Naalakkersuisut suliakkiinerisigut aqunneqarmata taamaalillutillu Naalakkersuisut akisussaasuullutik. Nakkutilliinikkut aqutsinerup imminut illorsorsinnaasumik pinissaa qulakkeerneqassaaq, aqutseriaaseq qanoq ittoq atorneqartoq apeqqutaatinnagu.

Imm. 2-mut

Naalakkersuisut qinnuteqaateqartut, siunnersuisoqatigiinni, ataatsimiititaliani assigisaanniluunniit ilaasortat, aningaasaateqarfimmi siulersuisut, naatsorsuutit il.il. pillugit paasissutissanik pissarsiniarsinnaapput.

§ 2-mut

Matumani Inatsisartut inatsisaat 1. januar 2020-mi atuutilissasoq allassimavoq. Tamatumani inatsimmik akuersissuteqartoqariitsiarneratigut allannguutit atuutilernissaat siunertarineqarpoq.